

ხელშეკრულება სახელმწიფო შესყიდვის შესახებ №150
(კლასიფიკატორის კოდი: 31500000)

ბათუმი, დასახლება მწვანე კონცხი

05 ოქტომბერი 2018 წელი

ერთის მხრივ, ა(ა)იპ- „ბათუმის ბოტანიკური ბაღი“ (245615963) (შემდგომში- „შემსყიდველი“) წარმოდგენილი მისი დირექტორი ირაკლი არჩაიას სახით, და მეორეს მხრივ, შ.პ.ს. „გენ ელექტრიკ -Gen Electric“ (445437386) (შემდგომში- „მიმწოდებელი“) წარმოდგენილი მისი დირექტორის, ირაკლი ჯაყელიძის (61008003931) სახით, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის ს¹ ქვეპუნქტისა და მე-7 მუხლის 1-ლი პუნქტის „ა“ ქვეპუნქტის საფუძველზე, დავდეთ წინამდებარე ხელშეკრულება შემდეგზე:

1. ხელშეკრულების საგანი

- 1.1. ხელშეკრულების საგანს წარმოადგენს შემსყიდველისთვის მნათი მოწობილობის (10ვ თეთრი ნათურა ჰალოგენი) მიწოდება - შემდგომში „საქონელი“.
- 1.2. საქონლის რაოდენობა და ერთეულის ფასი განისაზღვრება დანართი №1-ის მიხედვით, რომელიც წარმოადგენს ხელშეკრულების განუყოფელ ნაწილს.

2. ანგარიშსწორების ვალუტა

- 2.1. ანგარიშსწორება მიმწოდებელთან განხორციელდება ეროვნულ ვალუტაში (ლარი).

3. ღირებულება და ანგარიშსწორების წესი

- 3.1. საქონლის საერთო ღირებულება შეადგენს 330 (სამასოცდაათი) ლარს მისი დაფინანსების წყაროა არასაბიუჯეტო (საკუთარი) სახსრები;
- 3.2. საქონლის ღირებულება შეიცავს საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი;
- 3.3. ანგარიშსწორება განხორციელდება გადარიცხვის ფორმით ხელშეკრულებით გათვალისწინებულ რეკვიზიტებზე, მიღება-ჩაბარების აქტის გაფორმებისა და ანგარიშ-ფაქტურის წარმოდგენის შემდეგ არაუმეტეს 10 (ათი) სამუშაო დღის განმავლობაში და მიმწოდებლის მხრიდან პირგასამტეხლოს ჩარიცხვის შემდეგ (ასეთის არსებობის შემთხვევაში) 5 (ხუთი) სამუშაო დღის განმავლობაში;

4. საქონლის შესაბამისობა

- 4.1. მიმწოდებლის მიერ ხელშეკრულების თანახმად მიწოდებული საქონლის ხარისხი, სტანდარტები, ტექნიკური პარამეტრები, ძირითადი მახასიათებლები უნდა შესაბამებოდეს საქართველოში მოქმედ წესებსა და ნორმებს.
- 4.2. 4.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

5. საქონლის მიღება – ჩაბარება

- 5.1. საქონლის მიღება - ჩაბარება გაფორმდება ხელშეკრულების შესაბამისად მიმწოდებლის მიერ საქონლის მიწოდებისა და სასაქონლო ზედნადების წარმოდგენის შემდეგ.
- 5.2. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

5.3. შემოწმების შედეგად გამოვლენილი დეფექტის ან ნაკლის აღმოფხვრასთან, ხელახლა შემოწმებასთან დაკავშირებული ხარჯების ანაზღაურება ეკისრება მიმწოდებელს.

5.4. შემსყიდველის მხრიდან მიღება-ჩაბარების აქტის ხელმოწერი პირია ა(ა)იპ – „ბათუმის ბოტანიკური ბაღი“-ს ზოოლოგიური განყოფილების უფროსი გიორგი კალანდაძე ან/და დირექტორის (ან/და მოვალეობის შემსრულებლის) მიერ ინდივიდუალური აქტით განსაზღვრული სხვა უფლებამოსილი პირი.

6. ხელშეკრულების შესრულების კონტროლი

6.1. შემსყიდველი უფლებამოსილია მოახდინოს საქონლის ინსპექტირება;

6.2. ხელშეკრულების შესრულების კონტროლს (ინსპექტირებას) ახორციელებენ ა(ა)იპ – „ბათუმის ბოტანიკური ბაღი“-ს ზოოლოგიური განყოფილების უფროსი გიორგი კალანდაძე ან/და ამ საქმიანობისათვის საჭირო მოწვეული სპეციალისტი (სპეციალისტთა ჯგუფი).

6.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

6.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

7. მხარეთა უფლება-მოვალეობანი

7.1. შემსყიდველს უფლება აქვს:

- ა) შეამოწმოს საქონლის შესაბამისობა ხელშეკრულებით გათვალისწინებულ პირობებთან;
- ბ) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

7.2. შემსყიდველი ვალდებულია:

- ა) აუნაზღაუროს მიმწოდებელს საქონლის ღირებულება წინამდებარე ხელშეკრულებით გათვალისწინებული პირობებით;
- ბ) დაიცვას ხელშეკრულებით გათვალისწინებული ყველა პირობა.

7.3. მიმწოდებელს უფლება აქვს:

- ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

7.4. მიმწოდებელი ვალდებულია:

- ა) საქონელი მიაწოდოს წინამდებარე ხელშეკრულებით გათვალისწინებულ ვადებში;
- ბ) საქონლის მიწოდების პროცესში იხელმძღვანელოს ამ ხელშეკრულების 4.1. პუნქტში გათვალისწინებული წესებითა და პირობებით;
- გ) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
- დ) ანგარიშსწორებისას მიუთითოს ფაქტიურად მიწოდებული საქონლის ღირებულება და წარმოადგინოს შესაბამისი დოკუმენტაცია;
- ე) დაიცვას ხელშეკრულებით გათვალისწინებული ყველა პირობა.

8. ხელშეკრულების პირობების შეუსრულებლობა და მხარეთა პასუხისმგებლობა

8.1. ფორს-მაჟორული სიტუაციების გარდა, მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობით.

- 8.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;
- 8.4. ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები.
- 8.5. შემსყიდველი უფლებამოსილია საქონლის მიწოდების ვადის გადაცილების შემთხვევაში, დააკისროს შემსრულებელს პირგასამტეხლო ყოველ ვადაგადაცილებულ დღეზე მისაწოდებელი საქონლის ღირებულების 0.2%-ის ოდენობით.
- 8.6. პირგასამტეხლოს მიმწოდებელი შემსყიდველს უხდის პირად საბანკო ანგარიშზე ჩარიცხვის წესით, არაუგვიანეს საქონლის მიწოდების შემდგომ მიღება-ჩაბარების აქტის გაფორმებიდან 5 (ხუთი) სამუშაო დღის განმავლობაში.
- 8.7. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, გადაუხდელი თანხის 0.2%-ის ოდენობით.
- 8.8. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების თანხის ღირებულების 5%-ის ოდენობით.

9. ფორს-მაჟორი

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა და რომლებიც უშუალო ზემოქმედებას ახდენენ ხელშეკრულების შესრულებაზე.
- 9.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე; ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

10. გამოყენებული სამართალი

- 10.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

11. ხელშეკრულების ენა

- 11.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, შესრულდება ქართულ ენაზე.

12. სხვა პირობები

- 12.1. ხელშეკრულება ძალაში შედის მხარეების მიერ ხელმოწერის დღიდან.
- 12.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.
- 12.3. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.4. მხარეთა შორის წარმოშობილი სადაო საკითხები წყდება ურთიერთშეთანხმებითა და მოლაპარაკების გზით, იმ შემთხვევაში, თუ კონსენსუსი არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

12.5. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.6. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.7. ხელშეკრულება იდება ორი ერთნაირი იურიდიული ძალის მქონე ეგზემპლარად, ერთი ეგზემპლარი ინახება „მიმწოდებელთან“, ხოლო მეორე „შემსყიდველთან“.

13. საქონლის მიწოდებისა და ხელშეკრულების მოქმედების ვადა

13.1. საქონლის მიწოდების ვადაა ხელშეკრულების ხელმოწერიდან 2018 წლის 20 ოქტომბრის ჩათვლით.

13.2. საქონლის მიწოდების ადგილია: ქალაქი ბათუმი, პუშკინის ქ. №5.

13.3. ხელშეკრულება ძალაშია მხარეთა მიერ ხელმოწერის დღიდან და მისი მოქმედების ვადაა 2018 წლის 25 ნოემბრის ჩათვლით .

14. მხარეთა რეკვიზიტები და ხელმოწერები

“შემსყიდველი”

ა(ა)იპ-„ბათუმის ბოტანიკური ბაღი“
საიდენტიფიკაციო კოდი: 245615963
მისამართი: ბათუმი, დასახლება მწვანე კონცხი.
ტელეფონი: (0422) 27 00 33
სახელმწიფო ხაზინა;
შემოსავლის სახაზინო კოდი: TRESGE22
ა/ა 740717520

დირექტორი
ირაკლი არჩაია



„მიმწოდებელი“

შ.პ.ს. „გენ ელექტრიკ -Gen Electric“
საიდენტიფიკაციო კოდი: 445437386
მისამართი: ქ. ბათუმი, პუშკინის ქ. №5
იურ. მისამართი: ქ. ბათუმი, მ.კოსტავას ქ., N 21, ბ. 9
ტელეფონი: 514 000006
ს.ს. „საქართველოს ბანკი“
ბანკის კოდი: BAGAGE22
ა/ა: GE12BG000000953190300

დირექტორი
ირაკლი ჯაყელიძე



ინფორმაცია ფასებისა და მიწოდების გრაფიკის შესახებ							
№	CPV	საქონლის დასახელება	განზომილება	რაო-ბა	ერთეულის ფასი (ლარი)	საერთო თანახა (ლარი)	მიწოდების ვადა
1	31510000	მნათი მოცობილობა, (10ვ თეთრი, ნათურა ჰალოგენი)	ცალი	15	22,00	330,00	2018 წლის 20 ოქტომბრის ჩათვლით პერიოდი
სულ ჯამი						330,00	



დირექტორი
ირაკლი არჩაია



დირექტორი
ირაკლი ჯაყელიძე



ინფორმაცია
ინტერესთა კონფლიქტის შესახებ

ვადასტურებთ, რომ ა(ა)იპ-„ბათუმის ბოტანიკური ბაღი“-ს მიერ გამარტივებული შესყიდვის საშუალებით, მნათი მოწობილობის (10ვ თეთრი ნათურა ჰალოგენი) შესყიდვის საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

დირექტორი



ირაკლი არჩაია

ზოოლოგიური განყოფილების
უფროსი



გიორგი კალანდაძე